

Na osnovu člana 3. Zakona o novčanim podrškama u poljoprivredi i ruralnom razvoju („Službene novine Federacije Bosne i Hercegovine“ broj 42/10) i člana 25. Statuta općine Bihać-Prečišćeni tekst („Službeni glasnik općine Bihać“ broj 2/11), Općinsko vijeće Općine Bihać na 47. sjednici održanoj dana 12.07.2011.godine donosi:

O D L U K U

o vrsti, osnovnim kriterijima i načinu ostvarivanja novčanih podrški u primarnoj poljoprivrednoj proizvodnji iz Budžeta Općine Bihać za 2011.godinu

OSNOVNE ODREDBE

Član 1.

Ovom Odlukom utvrđuju se vrste, osnovni kriteriji i način ostvarivanja novčanih podrški u primarnoj poljoprivrednoj proizvodnji iz Budžeta Općine Bihać za 2011.godinu-tekući grantovi neprofitnim organizacijama, ekonomski kod 614300.

VRSTE PODRŠKE

Član 2.

Novčane podrške u primarnoj poljoprivrednoj proizvodnji u 2011.godini ostvaruju fizička lica koja su ostvarila poljoprivrednu proizvodnju u 2011.godini i koja su upisana u registar poljoprivrednih proizvođača i registar klijenata u Općini Bihać. Novčane podrške isplaćivaće se za:

1. Proizvodnju povrća u plastenicima
2. Sufinansiranje nabavke mineralnog đubriva NPK
3. Sufinansiranje nabavke goriva

OSNOVNI KRITERIJI ZA OSTVARIVANJE PRAVA NA NOVČANU PODRŠKU

Član 3.

Novčanu podršku u primarnoj poljoprivrednoj proizvodnji ostvaruju poljoprivredni proizvođači koji:

1. Proizvode povrće u plastenicima. Minimalna površina plastenika mora biti 100 m².
Iznos podrške za ovaj vid proizvodnje je 1,5 KM/ m² plastenika.
2. Kupuju mineralna đubriva NPK za đubrenje ratarskih i povrtlarskih kultura.

Nabavka mineralnog đubriva NPK sufinansiraće se sa 0,40 KM/kg a maksimalna količina đubriva za koju poljoprivredni proizvođači mogu podnijeti zahtjev za sufinansiranje je 1000 kg.

3. Kupuju gorivo za obradu poljoprivrednog zemljišta.

Gorivo nabavljeno za obradu poljoprivrednog zemljišta sufinansiraće se sa 0,50 KM/ litri a maksimalna količina goriva za koju poljoprivredni proizvođači mogu podnijeti zahtjev za sufinansiranje je 400 litara.

NAČIN OSTVARIVANJA NOVČANIH PODRŠKI U POLJOPRIVREDI

Član 4.

Zahtjeve za ostvarivanje prava na novčanu podršku u primarnoj poljoprivrednoj proizvodnji iz Budžeta Općine Bihać u 2011.godini poljoprivredni proizvođači podnose Službi za turizam, poduzetništvo i ruralni razvoj.

4.1. Uz zahtjev za ostvarivanje novčane podrške za proizvodnju u plastenicima poljoprivredni proizvođači prilažu slijedeću dokumentaciju:

- a) Potvrdu o upisu u registar poljoprivrednih proizvođača i registar klijenata
- b) Dvije fotografije za plastenike
- c) Zapisnik Službe za turizam, poduzetništvo i ruralni razvoj za proizvodnju u plastenicima

4.2. Uz zahtjev za sufinansiranje nabavke mineralnog đubriva NPK poljoprivredni proizvođači prilažu slijedeću dokumentaciju:

- a) Potvrdu o upisu u registar poljoprivrednih proizvođača i registar klijenata
- b) Original račun o kupovini mineralnog đubriva NPK
- c) Zapisnik Službe za turizam, poduzetništvo i ruralni razvoj o vrsti proizvodnje koju obavlja podnosilac zahtjeva

4.3. Uz zahtjev za sufinansiranje nabavke goriva poljoprivredni proizvođači prilažu slijedeću dokumentaciju:

- a) Potvrdu o upisu u registar poljoprivrednih proizvođača i registar klijenata
- b) Original račun o kupovini goriva
- c) Fotokopiju saobraćajne dozvole ukoliko poljoprivredni proizvođač posjeduje traktor ili ovjerenu izjavu trećeg lica koje je za podnosioca zahtjeva obavilo obradu poljoprivrednog zemljišta
- d) Zapisnik Službe za turizam, poduzetništvo i ruralni razvoj o vrsti proizvodnje koju obavlja podnosilac zahtjeva

Rok za podnošenje zahtjeva je do 01.09.2011.godine.

Služba za turizam, poduzetništvo i ruralni razvoj uputit će poziv za podnošenje zahtjeva za novčanu podršku u primarnoj poljoprivrednoj proizvodnji iz Budžeta Općine Bihać za 2011. godinu svim poljoprivrednim proizvođačima putem Mjesnih zajednica i Udruženja poljoprivrednika, a poziv će se objaviti na web stranici općine Bihać www.bihac.org i oglasnoj tabli Općine Bihać.

Član 5.

Nakon provjere dostavljene dokumentacije i sačinjavanja zapisnika na terenu, za podnosiocima zahtjeva koji ispunjavaju uvjete Općinski načelnik Općine Bihać donijet će zaključak o isplati financijskih sredstava.

Član 6.

Poljoprivredni proizvođači koji ostvare pravo na novčanu podršku za proizvodnju u plastenicima nemaju pravo na novčanu podršku za sufinansiranje nabavke mineralnog đubriva NPK i goriva.

Član 7.

Pravo na novčanu podršku u primarnoj poljoprivrednoj proizvodnji iz Budžeta Općine Bihać za 2011. godinu nemaju poljoprivredni proizvođači koji imaju neizmirenih obaveza prema Općini Bihać.

Član 8.

Za učešće Općine Bihać u realizaciji projekata iz oblasti poljoprivrede planirana su financijska sredstva u iznosu od 20.000 KM (dvadeset hiljada konvertibilnih maraka).

ZAVRŠNE ODREDBE

Član 9.

Za praćenje realizacije ove Odluke zadužuje se Služba za turizam, poduzetništvo i ruralni razvoj i Služba za budžet, računovodstvo i javne nabavke.

Član 10.

Odluka stupa na snagu danom objave u Službenom glasniku Općine Bihać

